

嘉慶戊寅重修

三水縣志

省城
心簡齋鐫

民國十有三年

癸丑十月影印

叙

志為史翼一方之文獻係焉學士
大夫攷鏡得失蚩氓觀感嚮化
司牧者晨披夕覽得首人程
法而秉式之政之禍者弗使室
於行俗之媮者弗使狃於習治

教所闕豈淺鮮哉缺而勿脩孰
職其咎自哉前陶志中何端恪
原序有非時弗成之語其知道
乎三水志之失修已百餘年矣
僕受事茲土裁八月耳非若久
於其任者習與民相見舉凡禮

樂刑政之鉅細兵農財賦之損益
民風淳薄之所趨土物燥濕之所宜
莫不炳若星列而後施諸政事見
諸文章以其暇日進二三才識之士
相與取舊志斟酌而斧藻之徵文
考獻與國史相表裏是固賢有

司之事也百餘年未前人既以事
允未舉僕甫勝民社操刀懼傷
何敢遽宏斯願哉會

制府阮芸臺先生有

奏修通志之舉例徵各郡縣草志

送局採輯邑紳士謀新舊志以獻

前署今李君有成議矣尋替還
牒捧檄至聞之心竊喜語不云乎不
習為吏視已成事舊志殘缺不足
遵倣得都人士條上隱顯不遺穢
志諸君子以耆儒碩學各出機
杼補其罅漏訂其譌謬輯為新

書僕閣手而仰其成徵實於一
時留聲於後世此百餘年來
之令尹所欲為而不暇為者及
今為之為之而遂成何如斯之
易也豈非吾

芸臺先生文采照耀遐迹欽矚

通志之輯為全粵之盛舉以修
於上而下應之若此哉吾肄紳士
如董孝廉思誠鄧孝廉雲龍
輩皆有心當世之務不沾文章句
自畫者能不舉邑乘為已任而
勇於纂輯以副一時之盛哉新

志之成維其時也志既成呈稿於
僕就意見所及略加刪潤時省局
索觀甚急催檄頻頻僕適調
篆禹山公事旁午即歸其橐
俾授之梓志中纂新者什之四
仍舊者什之六尚志成於康熙

四十九年邑令鄭君致手傳紀名
帙頗病簡率諸君子既重前人
之遺翰弗敢竄易僕又移官匆
遽未及一二釐正區瑕完瑜觀成
亟而任事踈亦時為之耳後之
覽者幸亮察焉是為序省

嘉慶二十有四年歲次己卯桐月之吉
賜進士出身廣東廣州府三水縣知縣

今署番禺縣事盱山汪云任謨

修志姓氏

主修

署廣州府三水縣知縣李友榕

陝西
生員

廣州府三水縣知縣調署番禺縣事汪云任

安徽
進士

署廣州府三水縣知縣王履祥

直隸
議叙

校正

三水縣儒學教諭莫若之

高明
舉人

三水縣儒學訓導許建中

大埔
舉人

協修

甲午科舉人原任唐山縣知縣鄧雲龍

邑人

辛酉科舉人揀選知縣丁丑大挑候補教諭陳攀桂

邑人

甲子科舉人揀選知縣丁丑大挑候補教諭陸鳳階

邑人

丁卯科舉人揀選知縣董思誠

邑人

校閱

職

員蔣業成

邑人

三水縣志

凡例

一志乘必分門類舊志卷分十五而紀載不無闕畧
詮叙亦覺失次今增卷凡十六典謨尊王言也
星野紀天文也輿地重地利也由是量地以制邑
度地以居民故建置次之九賦以足國九式以節
用故賦役次之禮樂所以崇典學校所以造士故
又次之以綏輯其鄉里故受之以秩官以保障其
人民故受之以兵防水利富教備矣尤願其羽儀
王國也故受之以選舉政治舉矣猶期其考正典

三才圖會
卷之十
型也故受之以秩官人物經年緯月故受之以編
年徵文考獻故受之以藝文事有正有奇有疑有
信故受之以雜錄終焉

一

本朝

列聖相承凡頒發

諭旨堪與二典三謨永垂萬世舊志不載殊非體制今
仿府志擇其切於吏治官箴民生士習者敬錄于
首以重

綸音